

寧國府志卷三十一

人物志

隱逸

宣城縣

晉瞿礪先生

不知姓氏太和末隱宣城文青山山有瞿礪石因以為稱大司馬桓溫往造焉先生披鹿裘坐石室神色無忤溫與僚佐皆莫測乃令伏滔為作銘贊焉據晉書本傳增江南通志同

唐元逸士

有志操居北鄉杜牧許渾並贈有詩累被召不起皮日休嘗遺以書凡千餘言覩文藪惜逸其名文獻藝文志

宋張貴

字待舉少舉慶曆壬辰進士坐臚唱失儀論免黃庭堅贈詩云人賢忘巷陋景勝失途窮初與王安石同登第安石罷相居金陵貴一日遊敬亭憶及即放舟就之經宿而返安石疆留不可曰吾與爾矣寧川吳晦之經曲肱亭詩有

寧國府志

卷三十一

人物志 隱逸

一

少年曾綴集英班袖手歸來水石間蓋實錄也按慶曆無壬辰與安石同登第當是癸未

元貢性之

字友初師秦從子由國子生補閩省理官明初有以名薦者性之改名悅避居會稽耕漁自給邑人芮麟嘗遇之邀與俱歸辭以詩曰遊絲落絮俱成恨社燕秋鴻各自飛杜宇叫殘孤館夢西風吹老故山薇每有所感慷慨悲歌泣然泣下既卒門人私諡曰貞晦有理官集行於世

梅致和

字彥遠堯臣九世孫從汪文節受春秋著類編十二卷隱居城南邵使者王士熙吳鐸雅重之屢辟幕不起卒宋濂志其墓有稿十卷

明貢鏞

字元聲師秦後博洽工詩詞雅負賢行家入夜執盜鏞不欲識其人命勿獨盜曰苦多適負更給布粟遣之里有患疫者眾莫問鏞求善藥往視焉居嘗力耕足不至城府手錄古隱士有跡無名者以自况著西園道訓西園集各二卷于汝成

楊貞

字彥恒號老癡少孤篤學不干仕進時衣短衣課耕意有所適輒吟嘯江浦莊泉聞其能詩訪之即田間訂交

見文苑

而去嘗值豫章左輔遊學遊近物色館之歲餘後輔良
達人服其識卒後邑人施閏章為作傳弟實亦能詩

袁鶴聲 中州人別號清谿居士好古文詞長於詩為
郡諸生不樂棄去以吟咏自適著有鶉居集

陳子賓 字賓王年三十遂不應有司試潛心經史司成湯賓
尹題其居曰竹隱窩著有四書鐸五經鐸廿一史廢

竹隱清言文粹等書同時有陳廷梓
者號鑑湖天性恬淡亦有古隱者風

湯廷對 字十初孝廉穀子好讀書足不踰戶限善春秋天啟
辛酉舉明經年方四十即不謁選性介持不妄交與

時傲衣冠徒步田野間年七十餘
卒同時有汪千頃亦明經不仕

國朝徐惇 字秋五元太姪孫才敏達嘗以建議授四川幕職尋棄
去隱於浮屠更名在柯號半山浪跡山水間善畫氣運

天成桐城方某贈以詩一着袈裟絕萬緣以餘破視習難
捐江山本是無情物寫出荒殘死可憐蓋有托而逃者也

倪正 字方公號觀湖父元浪著釣譜一書甚博與父子俱抱
隱操正詩古文高邁書法極著勁尤精天文歷算總督

郎三省欲執弟子禮郡別駕李鎮坤敦請訓
子皆謝弗應徵士梅文鼎嘗從受交食法

寧國府志 卷三十一 人物志 隱逸 二

孫烈 字承哉號悔菴明季由增廣生入南雍文名藉甚明亡
後絕意進取衰衣博帶怡情泉石終其身與徵君沈壽

善民

徐煌 字子盛天資英敏年十二郡縣牒其名於學使者比試
冠一軍長輒棄去好為詩吟咏無虛日家無擔石儲授

徒自給一語失意拂衣歸閉門忍饑
非素心人餽遺拒不受其介如此

楊組 字又棊初為諸生有名已而謝去以泉石為娛嘗自負
鋤詣深山取老樹根斲削作鳥獸狀摩挲拂拭終日不

去手詩詞並工書
亦善劬有古法

駱上翊 字贊若幼有至性父士襄卧病積年上翊早夜侍床
學不懈父卒絕意人世枕藉書史自娛尤工寫山水

一時名雋多與之遊
以上乾隆府志

南陵縣

明劉章甫 性恬淡不樂仕進喜吟咏士大夫慕
重之邑令雷燧贈以詩載藝文志

劉允迪

章甫孫善書法永樂初以楷書徵弗就自號中山書隱以見志

王源

字惟遠幼抱遠志慨然慕陳白汝莊定山為人以耕漁自足暇則讀書成化間邑丞謝文祥嘉其高致每造廬

廣咏竟日始去者東籟詩集

范如同

字楚夫登宏治壬子鄉薦兩赴春官不第賦詩云老

雲外滄浪和一聲遂歸不復應舉杜門講誦蔬食欣然著知新日錄歲寒亭橋以上乾隆府志

方海

號東郊榜叟博通今古達於詩文不以利祿經心惟力行孝弟遇子弟諄諄教以禮讓鄉人化之遂成善俗人

皆稱爲隱君子據雍正縣志增

國朝王學基

字禹疇幼穎悟善古文詞性落拓不羈每讀書暇卽

不完泊如也歿之日貧無以殮頭朋友助之乾隆府志

涇縣

寧國府志

卷三十一

人物志 隱逸

三

晉劉遺民

名程之字仲思嘗爲柴桑令與陶淵明慧遠宗雷陸修靜輩十八人結廬山白蓮社後葉官釣魚于白雲

端上一云程之彭城人據乾隆縣志增

唐萬巨

世居震山天寶間以材薦不就李白有贈扶風豪士歌卽巨也因巨遠祖漢槐里侯修封扶風故以爲名

同時有汪倫者居桃花潭嘗饜美酒款白白贈詩有桃花潭水深千尺不及汪倫送我情之句倫亦因以傳

宋程炎子

克淳祐丙午漕貢棄去隱琴高臺襟負清曠著有烟水集文丞相守宣州引車過之名其樓曰森翠

徐時

淳熙間隱碧山石門刻詩於壁云山中薄業有萊田出入於茲五十年晚卜一邱旗嶺上朝川風月足流連可

想其高致

元佐德道

字以中幼而穎異長樂恬退以吟咏自娛與兄震道俱爲劉青田所器重勸之仕不應著有陋菴集學者

稱陋菴先生子洋見宦業以上乾隆府志

宗德

隱水西教授生徒世祖聞其名命樞密張易徵之不起壬午十九年又使留守副使某徵爲侍中不拜成宗大

德十年卒 據
乾隆縣志增

左繼炎 字榮叔治易禮二經喜吟咏明修鍊之術任醫學教

吾當某日逝矣合別廩朋置役事及期果無
疾衣冠正坐而逝 乾隆縣志引萬姓統譜

明洪載 號野鶴隱居嗜古以行義高於鄉為
詩效陶靖節孟襄陽著雲水詩集

洪維翰 字叔宗天啟辛酉以詩經繼其房時三吳文風皆折

崇正癸未成進士授行人督餉浙中明亡後流寓閩粵久之
歸築室舉山下終其身和易近人而能周緩急卒之日隣里

皆巷
哭

包應賜 字旭之幼有志操明季甲申之變日縛一草偶為李

柵香爐峯斷葷酒飲水茹蔬以為常形容枯槁竟以窮餓
死族兄玉琦號瑞菴亦同時窮餓終老時目為首陽兄弟

王雲鵬 諸生學問該博著五經詳說鼎革後盡焚其板因自
號為僧將卒賦詩曰七十年來世上遊閒將詩酒廢

宣國府志

卷三十一

人物志 隱逸

四

春秋一朝撒手歸西去花自隨
風水自流命家人以僧服歛

汪裕崑 字巨源庠生初名子周博通經史敦行孝弟鼎革後
不應試築一室坐臥其中讀書課子終身不出戶

以上乾
隆府志

查志成 庠生性孝友勤循禮法鼎革後晦跡深山嘗自署其
號曰明志山人喜為米家書法又立家規建公祠勸

捐義田數百
畝宗族賴之

胡畫英 字淡然籍丁都人補諸生食餼與諸儒切蹉正學鼎
革後計年例當貢避不就閉戶潛修闢發經義著有

初言中言子大甲諸生
行已端方克承父志

鄭過 字原古南隰人諸生鼎革後不應試寄情詩酒終其身
著有樗齋詩集同時翟尙忠字伯海諸生鼎革後種菊

陶山三十年惟與
萬應隆相倡和

王廷考 字思道號震陽少補諸生不應試與羅近溪查毅齋
諸公講明理學藹布政良幹欲見不得有孤山詩四

章致其景慕廷考
善有孤山詩集

張一鑑 字永鑑南隅人萬歷丁酉舉於鄉博洽工詩文不樂仕進喜遊名山每遊必記築小隱園於城南自作阿

麼居士傳舊志云亭亭物表皎皎霞外有司可望而不可即蓋實錄也

國朝曹希冕 字文斗家居周與世事慕嚴子陵龐德公之為人精精舍於小嶺之陽灑鍊身心類濯俗慮著淨土詩四

首十八

翟斗 號對松工吟咏老而不輟隱桃花潭有對松閣詩集金壇王編修步青編而序之

包眉齡 號松巖壯年好山水之遊足跡半天下每作詩歌以紀其勝老而隱於烏龍山有詩集四卷曰天放閣吟

以上據乾隆縣志增

寧國縣

唐方壺 冠軍將軍御史中丞元蕩之裔自旌陽隱寧川毛陶嶺之上謂其子曰後世卜居務擇嶺家焉既而遷者皆不

寧國府志

卷三十一

人物志 隱逸 五

離嶺號五嶺方氏後有名澤字子夏者遷居嶺下遂更其里曰澤夏 據康熙縣志增

宋吳晦之 字元用少習制舉不第謝去工為詩客遊江淮周覽名勝晚乃隱道山下築生香亭一室幽棲為世推重

著有嚼蠟集

楊夢龍 字元升儀度端正然諾不苟遇鄉薦任鄱陽丞秩滿不復仕進隱天目山之陰

洪伯禮 不知何時人隱居不化今東北五里有洪公山邑人相傳舊隱處縣志作宋嘉祐時人 以上乾隆府志

虞璠 隆興初隱居西山建草堂讀書偶儻尚氣節有高士風二子儔個克世其學

鄭魏挺 字景烈登嘉靖甲戌進士調分宜尉辟江淮提舉司幕杜絕餽遺未嘗以貧雙為意引疾歸臺章交薦除

國子監書庫官兼皇后宅教授力辭不就雅性曠達風嫻文藻隱居九龍山西園者十五年稱西園老圃人率慕之著有

禔身粹言讀書通說子希聲亦舉進士

吳鎔 字國器業儒隱於醫全活者眾畧不計利年幾百歲視明聽聰髮黑如漆面奕奕有光人咸曰之為不老仙

以上據康熙縣志增

明黃可縉

字元獻崇正時乙榜讀書白雲山守道重義隱約自甘辛巳兵荒存至縉出貲歛白骨於道著救時策勸

邑人相周郵順治初年邑令楊名遠延修邑志其所敘述時有不忘義熙之意

胡簡文

號閻齋明季諸生喜藏書多所述作為顧夢遊蔡大美方爾止杜于皇等所推重後棄舉子業入山伴狂

日咄咄作書空狀嘗有歷代忠臣錄水村文集水村孤嶺等編以上乾隆府志

楊遜

號懷鳳好濂洛考亭諸夫子書互訂契合集同人詣普蔭寺講論一時景從堅品孤介不屑仕進

黃志交

字補之孝友寡言笑慎蹈履人郡庠為郡守雖近谿所深器益自砥礪躬行子一騰貴近養不往雖膺封

秩而終身布衣撫孤姪如子族弟坐冤繫志哀衣食其老母併營救之事得寢晚年遊跳林野與同人歌詠自適焉

吳偉儒

字聖開號弄齋崇正辛未列諸生居父喪哀戚將毀甲申負母隱於梅谿僻地後從汪崑講學邑城見有

維以禪音判斥之馬侯光建書院延偉儒讀書其中以禮四方來學之士以上三人據康熙縣志增

寧國府志

卷三十一

人物志 隱逸

六

國朝張邦極

字斗樞英敏嗜學工書不求仕進隱博潭嘗攜酒吹簫徜徉靈峯桃源間以終子煌庚午舉人 乾隆府志

汪作霖

字雨公明經嗜右教授生徒人鮮知者嘗獲遺金不取見人意每傾囊予之邑人稱其古道云 據江南

通志增康熙縣志畧同

旌德縣

唐王善可

不染仕進適情書史吟咏風月晚歲益篤一日吟曰五十三年一夢空襟懷湛寂自圓通風掃雲開天雨

靜一輪紅日正當中吟訖而逝先是有道者過訪予一緘曰明年此日有難可破視故時稱王遇仙

宋呂仲法

字遵玉後易名發性閑逸工詩時兄弟子姪多登化藉仲法獨恬退政和間屢膺薦辟不就卜築城西東

山蔚松竹吟咏為樂自號東山居士 著有詩詞行世以上乾隆府志

汪注

字東之內行純潔記問淹洽登咸熙四年進士調青陽薄不赴東官歸雅以高逸自命不屑仕宦有執經問業

者日授之壹壹忘倦著中庸衍義等書
子冒文溫州路教授 據康熙府志增

元程應鼎

七歲能文領至治辛酉鄉薦有閩帥王慰知其才辟
以官不就築室東郊取杜詩知子嬾是真顏曰是真
晚尤慕義濟貧卒之日惟書
數卷而已著有論語發明

明洪善應

幼習制舉業厭時俗棄家結廬山中終身不入城市
作詩云杖藜徐步遠唐山雲白峯青心地寬闔死神
仙不是過豈知
春去與秋還

江有衢

字濟通號龍山居士胸懷高曠讀書恥秦漢以下值
明季世亂結廬龍山之阿葛巾野服日偕童冠登臨
吟嘯為娛自謂羲皇上人著有
檢身家訓 以上乾隆府志

太平縣

宋劉逸

經明行修屢舉不第遂高尚不仕時孫覺為邑令甚器
重之卒後邑令詹承宗表其墓曰鄉賢劉文學之墓
據乾隆
縣志增

寧國府志

卷三十一

人物志 隱逸

七

明林景初

賦性恬退漁獵于史百家洪武初求遺賢知縣梁
德遠致書勸之仕以疾辭隱香山號獨隱居士

王燧

字子融生元末高才積學遭時亂隱居養親洪武初或
勸遊太學同業並重之終不願就職以親老辭歸讀書
自娛倘
祥終身

湯燕生

字巖夫少工舉子業遊郡庠甲申後謝去依舊友居
蕪湖閉戶博覽羣書尤長詩古求者甚多率不輕予
父沒鬻書治喪凡贈賻悉不受故友某有難幾以身殉敝廬
數椽僅堪容膝客至不見見亦不報常忍饑自守蕪人至比
之魯子
明云

陳輔性

字足葵明季庠生嚴毅孤峻不苟言笑義之所激雖
榮辱禍福不為動該博善詩於古人中獨嗜少陵謂
其忠惻惓惓舉念不忘君國也與同時知名士
沈耕巖張爾公輩友善明亡後遯跡黃山以老

朱鶴祥

字士賓質性醇敏讀書不下樓者三年為文原本經
術成明經已屬崇正末年遂堅守窮廬研精理學尤
達於易遠近爭設率比延致之匿跡謝
不一往卒年八十餘 以上乾隆府志

張懿新安人曾任陝西徽州知州弟奉任梧州府通判同
建文時見朝政紛紜燕藩萌異志遂兄弟棄官偕隱相
宅堯塢林麓雲嵐別有天地謂此可擬者桃源既而在京達
友屢書招之終不出與弟孝養母母病有感雷裂石泉之異
郡伯宋獻最敬
之子孫因家焉

崔海號龍潭慷慨負偉才不營生產宗師有重務直任不少
狗避與弟滾共業聽擇肥饒然自沈晦頗慮人知晚益

峻潔托跡泉石放
飲浩歌超然絕俗

焦守文字肖甫少參邊會孫孝廉尙宏之子博綜淹貫喜吟
詠楷法篆隸並佳隱居不圖進取以琴書花石自娛

編輯歷代帝王年譜及本宗
家乘秋曹項如率為之序

李一堂字伯升入郡庠鍵關二十餘年岸昇自命前朝末逃
名不試削髮入匡廬年餘有族人見其破衲運甕五

老峯下以鄉語挑之熟
視佯不識徑入山去

項士文邑庠生博學敦行治家嚴肅鼎革後遂屏居不
出徜徉山水以終 以上五人據乾隆縣志增

寧國府志

卷三十一

人物志 隱逸

八

國朝無名子

不知何許人衣冠藍縷至南村持茶一封交歲貢生
胡紹虞家而去時紹虞外出及歸發之有白金二十
入兩書一函稱苦積所餘流其置田附胡氏於箸嶺施茶
不願留名紹虞遵其囑勒碑誌之曰無名子 乾隆府志

寧國府志卷三十一

人物志

方伎

宣城縣

唐夏榮

有相術蕭嵩陸象先為僚婿蕭未仕陸已為洛陽尉榮

且壽人未之信大寶中嵩兼中書令年八十餘子華歷中書侍郎同平章事乃服其水鑿云 見舊唐書蕭嵩本傳

紀叟

善釀酒名老春能禮賢士常飲李白以酒了無恹色比李白哭以詩云紀叟黃泉裏還應讓老春夜臺無李白

沽酒與何人

陳氏

失名能作筆家傳右軍與其祖求筆帖子孫世精其法柳公權求筆於陳先與二管語其子曰柳學士如能書

當留此不爾退還即可常筆與之柳果以不入用別求遂與常筆陳曰先與者非右軍不能用柳信與之遠矣 見墨池

寧國府志

卷三十一

人物志 方伎

項錄

包貴

善畫虎名聞四遠其子鼎繼之後嗣襲而學者甚多各有圖軸傳於世李薦德隅齋畫品云包鼎所作乳虎圖

絹素雖破精潤如新包氏以畫虎世其家而鼎居最

宋諸葛高

世工製筆稱重鷹神梅聖俞次歐陽永叔試諸葛筆詩筆工諸葛高海內稱第一黃魯直詩宣州變樣躡

蘇子瞻云諸葛筆譬如內法酒北苑茶縱有佳者尚難得其彷彿林和靖云頃得宛陵葛生筆如

鹿百勝之師橫行紙墨所向如意

元徐文中

字用和善鍼術兼工符咒為吳振鎮南王妃苦患風

錢潛入焉也殊不肖也移營手足並舉次日起坐王喜異勞之大旱請致雨王期以雨而雷為驗文中振袂一揮雲冉冉

西北方大雨如注迅雷震天從吳遷杭守吳妻羹病召之立愈嘗語人吾弟子亟於何故其術不神云尋由功曹仕紹

興路知事卒福溪徐顯為之傳

明方希叔字元甫少讀書喜談方畧因諸生葉去善入分書補之術嘗啖松栢葉年至九十餘

西朝王猷

字肇宗知縣文質裔少業儒博覽廣記曾於河南道中

人罕知之康熙甲寅江西督師董勛參幕府平諸寇多資其卜以决所向往往奇中丙辰郡修文昌臺猷選建祀日期豫課數科內元魁聯步已未果兩鼎甲兩宏博併壬戌共六朝作猷嘗以日者言多謬整著九十四家年月考及算數二八切韻諸書卒年八十七

芮伊

字與權性多巧思能手製自鳴鐘諸測量器嘗得西洋歷書百餘卷精思數年皆通其法

蔡瑤

字玉及息意進取以畫名山光林影森秀可愛刻有曉園詩留即景生情詩中有畫

王岡

字仲山書法入平原岡奧順治間太平守擬書丹陽古郡四大字刻石城岡集諸名士罕得當者或薦岡岡至

青鞵布襪守頗易之既拂紙疾書守乃驚異厚禮以歸間用淡墨寫枯花綴以秋蟲媽然有致子琛亦能書

寧國府志

卷三十一

人物志 方伎

二

郭之晉

幼木強不慧其祖嘗呼之曰癡頭因以自號長於煊染花卉翎毛甚工寫閩雞尤勃勃有生氣

呂慧

字定生工畫人物花草時有湯逸字希白隱於詩畫行頗高潔俱有名

劉南英

字子干工詩尤精琴理著琴學集成十卷梅徵君文鼎為之序

梅狎

字培翼孝廉清姪孫畫松石多奇怪偶代清作稱神似時有汪儒字漢一畫人物秋卉疎淡有致從西江吳雲

遊作畫理悟道篇贈之

尤書

字二酉工寫山水花鳥筆墨瀟散有雋致時孝廉梅清畫最有名書從之遊盡得師法

劉期侃

字亦陶嘗客都門從侍郎高其佩學指頭畫法與至以手蘸墨汁皴紋細理用指甲大則以掌縱橫變化

較搦管濡毫更為便捷及成亦不復辨高自言得之夢中不由師授期侃能盡其傳

王之冕

字憲如善療目疾有醫譜功纂青囊情選凡二卷

倪志淵

字淳可畫山水有雲林筆意泊老石手折乃更以左手亦工以上乾隆府志

曾文奎 字星聚號寄廬讀書不樂仕進卜居高淳湖畔以琴
書花鳥自娛精青囊術雖遇沉痾用藥一二劑無不
立愈亦不責謝有隱君子風同里臬
司劉方鵠為之立傳 虞採訪册增

南陵縣

明管禪 邑廩生博通經史旁及醫術所活人不可勝計著有保
赤全書邑令沈堯中極稱揚之並捐貲梓行於世 乾

隆府志

涇縣

唐崔十五 失其名善書李白有詩其見招詩云爾有鳥跡書相
招琴溪飲手蹟尺素中如天落雲錦 乾隆府志

宋任將軍 失其名嘗為京師殿直每
夜乘竹龍或仙鶴而歸

徐炳 善畫理嘗於靈惠廟正殿後壁畫一龍筆勢飛動見者
悚慄水旱祈禱輒應又邑中包虎徐兔最馳名多見於

前輩詩篇其云宣城者以郡言也惜今包徐
後無復傳其法者 乾隆府志並縣志合纂

寧國府志

卷三十一

人物志 方伎

三

元左繼賢 字榮叔為醫學教諭愛山水喜吟詠明修煉之術一
日忽告家人曰吾當某日謝世別賓朋理後事及期

果無疾衣
冠坐逝

明翟視 字仲明少曠達以豪傑自命既師事湛若水有得由貢
生司訓信豐陞石門知縣晚精數學自號狂斐子撰數

洞微徵十二
卷其術不傳

查萬合 字了吾鍼術最精名盛吳下稱半仙有陳貞乙者素
以醫自負及遇萬合深悔所學執弟子禮或問萬合

所活幾何應曰吾非
能生人但不殺人耳

左維垣 世傳醫學尤精傷寒往往起死回生萬
歷間授太醫院官 以上乾隆府志

左焜 字仲元少業儒後改業醫有病者治輒中洪武間當道
舉為訓科有尹天官嘗病亟上命良醫治焜趣驗之令

以茯苓煮粥向啖尹喜曰昨夢上饋以傘鼎
粥何以夢符若此果愈遂更名鼎厚禮遣歸

左激 字有昂為醫學訓科性醇厚善吟咏旁通陰陽醫卜之
術尤精於地理學過廖賴所著家警錄為堪輿家所宗

以子景贈監察御史後祀鄉賢

程文忠

監察御史富子善幻術宣宗時富征苗崗忠隨之生擒六十餘人授七品散官富致仕歸途遇盜忠以術

制之悉擒獲焉萬歷間九都諸生查夢綱亦有異術嘗訪門人翟某適翟騎出遇諸塗翟讓騎於綱綱辭命前行已徐步於後比翟至綱已久在坐矣

趙鈞

東隅人精堪輿術會葬其父於曹溪黃麻山預言子孫某科當捷鄉舉某科當捷南宮某歲當遷某宮少宰士

登其姪也時方孩後登科遷官皆如其言又言幾世幾房與衰歷歷如響世以為神以子士際贈奉直大夫羅定州知州

葉北京

字子周天眷次子聰慧力學十八入遺邑庠癸酉鄉試擬元未售所著制義稿有拙存就正錄歷試草海內

爭傳之書法直逼董宗伯購者珍於什襲稱為絕藝

王士勤

字用修孤坑人書法精妙絕倫其摹洛神書千文直在二王之間行草類聖教序邑中多珍藏之同時趙

田字古農亦以善書稱

寧國府志

卷三十一

人物志 方伎

四

梅克濟

工書尤善大字萬歷間為考城縣主簿陞倉大使每得梅字二邑矜貴奉之

沈必孝

少業儒精醫術好義周乏知縣王贈以佛心仙手匾額以上八人據乾隆縣志增

國朝萬惠

字德軒遇異人授太乙神數兼通象緯占步之術崇正初嘗語人云今上聰明神武然鼎命將淪又卦遇從或

戕之非令終兆也惠善內養嘗元日脫衣就潭水浴氣蒸蒸如沸鑑年六十餘著河洛圖說易二傳解註并及數學精微天文星氣形家理氣諸書既而謂秘書不當洩悉焚之

翟時泰

少因病讀諸醫書遂精醫揣脈定方出人意表郡守

或駭之答曰必如是可延至冬否則秋深恐不諱一日因煩躁啖西瓜頓覺爽暢並飲粥泰遂辭出署語人曰不出三日矣次夕果歿又有客三日不溺泰勸其速歸且日汝至中途目疾當作次日左目遂盲其臨症奇中多類此以上乾隆

志府

倪度

字孟則豐東都人馬繼登字魯山庠貢生南陽人並工畫山水淡遠蕭疎得雲林筆意又邑中以畫名者王改

善蘭鄭文桂善梅蕭如龍善松鄭文鑑善山水樹石花
竹文鑑嘗與蕭景獻王我遜僧西意等稱畫社十子

陳孝 字仲則邑諸生負才好奇工草書有米襄陽風致嘗書
仙峯二字於琴溪石崖高懸三十餘仞字長潤丈餘趙

宣刻之深入五寸許宣亦名匠也好事者詩歌紀
其事彙成一册名仙峯集孝有詩三卷藏於家

施參 字景付精六壬金口決有奇驗嘗賣卜金陵長干寺每
科舉歲八月朔日晨起占本府縣科名無一差謬尤喜

射龍屢試不爽年九十六鶴髮童顏若神仙中人子斌字二
尤亦繼其術世琦天爵善醫官太醫院 以上三人據乾隆

縣志 增

旌德縣

宋 呂安世 以善星歷名大觀中長星見蔡京罷相安世上書言
星變主河北及東南當有兵後語涉官禁有旨押歸

本貫木灣復驛召借補宣德郎令鑿河北山川旺氣之所安
世既死而圖關陝要害將上權貴疾之諷臺諫言其傲誕追
原官罷之已而南北變
故相仍人皆嘆其前知

寧國府志

卷三十一

人物志

方伎

五

明 王德文 精通方脈洪武中以明醫送部領符命子潮亦精醫
更能文善書永樂中授職訓科孫興宗尤究明岐黃

洞達壽天宣
德中膺冠帶

饒震元 字登之萬歷戊子舉人知綿州事工畫理摹小米點
染雲山間流以青碧脩然有絕塵之致其族孫大振

邑諸生嗜酒不羈醉後
泚筆作人物山水絕精

劉貴昂 字斗南醫術得異人之傳臨症自出新意
不膠古方明季大疫施藥賑饑人皆德之

程寶顯 字政伯七歲而孤育於祖父祖病噎封股以進母病
足寢食不離善寫真設色渲染如生宣城湯司成嘗

稱之曰旌邑張若水之說易程
政伯之寫真無能出其右者

國朝 劉光揚 字雨若性聰慧凡先代寶器及歷朝名賢字畫真贋
皆能辨識工篆刻順治初尚書馮謐招之至京令鐫

快雪堂法帖進呈稱

旨召

見授以鴻臚序班之職其族子玉標亦工篆刻河撫汪灝倚雲閣
集有贈劉劄士歌即玉標也 按通志作光揚宣城人

呂起綸 字友柏貢生精醫遠近求診者目填門應手輒效名
友輕財好施尤足多云

方應召 字帝卜邑諸生書做懷素瘦硬通神畫蘭尤
稱逸品姪靜亦善飛白嵌空蟠折殆絕技也

呂翥 字苞羽工書得米南宮遺法年十三至吳門尤西堂先
生贈詩云宛陵童子世無雙大字能書一丈強是也詩
載西堂全集

郭聘 字研廬年十二題雞冠花詩邑令黃琮大異之又耽畫
學從潛山陳延得鄒臣虎之傳不事生產晚而益窮多
往來黃嶽究心宗門年七十有九卒

張尚雅 字以南監生考州同工畫山水師李營邱人物師陳
章侯詩字題款並有別致郡守張雲翰書神品二大
字以贈之

程鼎 字調梅邑諸生書法初學趙董後自成家
署扁大字尤稱能品年七十餘揮毫更健

寧國府志

卷三十一

人物志

方伎

江希舜 字孺慕精幼科著有痘疹元珠等書首創種痘良方
厥功尤鉅孫有令曾孫必昌皆以醫名不計財利共
欽其世傳醫德云
以上乾隆府志

劉子科 精醫目疾其六世祖華卿少遊京師遇異人授以秘
書所治輒效傳至科聲名遠播求醫者甚眾其子習
登為童子時夢拾金篋一具尤多奇驗由是名益譟常治一
宅以待遠方就醫者門前車馬絡繹歛呼為劉仙醫一時名
公巨卿皆有題贈

劉茂吉 字其暉性穎悟讀書過目輒了旁搜天文地理象數
諸書精推步術著有北極高度表天地經緯象數要
畧坤輿圖坤輿圖說京省全圖年登耄耋
繪摹摹弗倦云 以上二人據採訪冊增

太平縣

明周子幹 字慎齋知道術嘗經柏葉山見石塞路祝而去之一
夕雷震石裂行旅坦然尤精醫著醫案數十卷行世
李治 字赤山工書筆勢遒勁
欲透紙背號赤山體

蔡子仁

字梅坡善寫真作三樓一閣同得李昭道父子遺法

僧坦然

善鍼術鍼細如毛長不過寸石隸高令患癰瘻延治一再投不効靜思良久曰得之矣鍼不及患處耳更

置鍼可

五寸許一鍼而愈邑胡某中瘋僵卧乘驚僧適過門凡再鍼瀉痰斗餘如故

邵堯

字惺之崇正庚午武舉嘗以水墨作花卉翎毛尤能硃塗竹石叫號揮灑有天然縱逸之妙

劉太憲

字用章有隱德少工八法篆隸尤精重與寺篆有柱聯姑蘇鄒之麟見而愛之摹去鐫刻圖章刀法古健

似文三橋何雪漁近時名手不及也

周之明

字誠生精岐黃嘗云種樹者必培其根治病者必溯其源根深則枝自茂源清則流自消崇正間挾術兩者俱贈言稱之有所得必均於弟弟婦少孀也給之產以成其節又置義田以贖族之貧者著有問答醫案四時調理方書行出

邵岑申

字逸峯邑庠生襟懷瀟灑酒工繪山水祖董北苑水墨淺色並擅能事晚年神似黃叔明秀逸蒼深有咫尺

寧國府志

卷三十一

人物志 方伎

七

萬里之概為邑中丹青第一手人品之高潔亦如之以上乾隆府志

焦耿芳

別號坦寧易直真率精岐黃術投無不效遊京師公卿爭延致之大司成湯賓尹中丞周汝礪輩皆折節與之友

孫廣

字又黃少習制舉試屢蹇遂棄去取方書編習之爾時歛醫程敬通名滿數郡廣往師之反覆辯難大精其業

歸而診候投刀圭無不立起富不受謝貧者施藥

奚月川

善堪輿本鄉及桂城諸里陰陽宅皆其所定迄今族大人稠科第蟬聯人推為吳寬張宗道之亞

項應寵

字仲嘉少習書法時邑侯許靈長以八法擅名進而教之朝夕臨摹遂盡其長晚歲猶精小楷邑中字學

多所流傳

程天祐

號午岡能作淺色山水及人物樓閣晚歲潦倒術益工

譚之化

精圍棋一時縉紳先生爭招致之著有棋譜與李少梅同時稱國手

崔端生 字衷白幼業儒敦孝友長習岐黃術專以活人為念絕無較利意得養生訣葆攝天真年逾九旬童顏健步

程國令 字允瞻幼習舉業極穎敏詩字畫俱冠一時後改事岐黃博覽羣書獨挾其要所見每出人意表屢著奇

效人以爲神謝二峯嘗紀其事

譚履吉 號墨夫善潑墨山水林壑烟雲出沒遠淡近濃真有咫尺萬里之趣以上九人據乾隆縣志增

國朝黃太松 字耐巖性疎狂嗜酒善畫求者不輕與但酣飲興發則揮毫頃刻可畢數幅人知其癖每招飲濡墨候之

嘗遊杭城適制府校畫史松翎毛花卉皆第一聲愈噪所畫山水尤不多得黃山圖見收於張相國玉書如獲拱璧孫夢

彩字德輝能得其傳嗜詩書善鼓琴以技遊縉紳間潔清日好人爭禮之 乾隆府志

黃裔 字雨先太松曾孫善畫山水疊嶂層巒備極蒼秀尤工花卉翎毛陳明府霞泉贈以詩有芳聲傳異域妙筆奪

天工之句

寧國府志

卷三十一

人物志 方伎

胡向先 字樂野幼讀書知大義長精岐黃爲人療病不計酬晚得異傳施膏藥獲痊者甚衆遠近賴之迄今五世

猶遵遺訓 以上二人據採訪冊增

寧國府志三十一

人物志

流寓

宣城縣

唐來濟

揚州江都人貞觀中與晉陵高智周郝處俊孫處約客宣城石仲覽家仲覽行於財有器識待四人甚厚私相

與言志處俊曰願宰天下濟及智周亦然處約曰宰相或不

可冀願為通事舍人足矣後濟領吏部處約以瀛洲書佐入調濟注曰如志遂以處約為通事舍人後果皆至公輔

李白

字太白隴西人天寶中為翰林供奉先後浮遊江東往來宣南涇太間杖履徧川原雅富篇章信美吾土集中

所載不下十之二三卒於牛渚塋青山時姑孰為宣州屬境云

按宣城為倚郭首邑青蓮游蹤并詳於此各縣所載從刪

寧國府志

卷三十一

人物志

流寓

一

以歸簡淨下羅隱鄒守益錢德洪周鑣俱倣此

韓愈

字退之南陽人按朱子韓文考異文公有別業在宣城復志賦及歐陽魯哀辭祭十二郎文皆云就食江南蓋

指宣也其示姪爽云避地江南專於講習又詩云宣城去京國里數逾三千念汝欲別我解裝具盤筵又云汝來江南近

里間故依然則公之家居宣州有明徵矣今敬亭山下有昌黎別業祠祀之

白居易

字樂天太原人元和申寓宣城與侯權秀才俱為宣城守所貢明年擢進士兄歿塋城西五里今稱白府

君墓居易祭烏江十五兒文所云宣城之西荒草道傍者也

張南史

字季直幽州人好奕後折節讀書遂入詩境以試泰軍嘗寓宣城耿津有逢張二南史全家客宛陵詩

趙嘏

字承祐山陽人會昌二年進士為詩瞻美多興味寓宣最久有宛陵居上沈大夫及下第寄宣城幕中諸公杜

侍御諸詩

羅隱

字昭諫餘杭人舊志作浙新城人本名橫十上不中第更名能詩微時嘗遊於宣至今人稱羅隱秀才題云其

所傳鄙俗詩非也昔有江南甲
乙諸集卒墓涇縣東七十里

按十國春秋隱新城人新城改為新登亦為新登人不言
餘杭舊志相沿不為無據至隱墓則新城錢塘紹興江西等志而一統志則
皆有分見於研北雜志錢塘紹興江西等志而一統志則
言在涇縣東七十里大約各人遺跡刊處借以增志乘之
光正不能辨其孰真孰贗耳

楊吳殷文圭

池州人乾寧中及第為裴相官論判官南歸時亭
國節度使田頔雅重儒士置田宅迎文圭母以坊

事文圭文圭感頔意為之盡力頔死事太祖父子
武義元年拜翰林學士 據十國春秋本傳附

楊夔

有雋才與殷文圭夏侯叔上希羽等同為宣州田頔上
客夔知頔不足抗太祖若夔賦數百言戒之頔不用竟

至於敗 同上 按文圭夔皆幕職非流寓乾隆府志列於職官

寧國府志

卷三十一

人物志 流寓

宋王邦憲

建炎中維揚之擾衣冠南渡遂客金陵與酒人相遇
作集句云揚子江頭楊柳春衣冠南渡多崩奔柳條

弄色不忍見東南西北更堪論誰謂他鄉各異縣豈知流落
復相見青春作伴好還鄉為問淮南米貴賤見局紫芝竹坡

詩話

戴表元

字帥初奉化人咸淳進士調建寧教授文學名東南
至元不仕嘗寓宣城與廉蕪林憲使及貢奎諸文士

詩有酬和三天洞
諸詩著刻源集

元劉善餘

字有之鎮江人號南岡老人寓宣城諸詞人雅相推
許送潘以道試吏部云杯行到手寧用辭浩歌起舞

紗帽歌出門不作兒文悲庭萱書日
春運運吳鏌梅致和並有酬和詩

明石金

字南仲黃梅人正德辛未進士任御史骨鯁敢言嘉靖
庚寅以諫止黜祠忤旨下詔誅謫戍宣州衛居二載滿

祥山水嘗寓柏樹禪舍邑人陸乾元梅繼儒守德祠與探幽
怪勝金有詩云仰止文風興有餘可堪龍卧足移居絕無塵

慮當幽壑時見浮雲過太虛
後遇放還有陵陽謫寓集

陳鶴 字鳴野 一字九聖 家世本紹興 衛武 曾當襲 仇志不受 和詩 近百篇 凡歲 餘去之 金陵 卒

守益 字謙之 安福人 翰林院編修 嘉靖初 議大禮 忤旨 謫 從之 遊又常至 寧邑 鳳山 書院 講學 朱大有 仙時 忠 昔出其門 一時 彬彬 風動 鄰郡 志學之風 遂冠 江左

湛若水 字元明 增城人 從陳白沙 先生遊 所在有 講學 書院 寓居 宛陵 宣慰 風旨 啟誘 不倦

王畿 字汝中山 陰人 學者稱龍谿 先生 嘉靖間 郡守 羅汝芳 延至 與泰州 王璧 先後 遞主 講席 一時 士多 蒸蒸 向學

馬璧 字宗順 心齋 先生 子所稱 東崖 者也

陳履祥 字光庭 號九龍山人 祁門貢生 得 肝江之傳 鄒爾瞻 推為 畏友 萬歷間 倡教 宛陵 及門 百餘人 所至 雲集

茲歌 不絕 嘗聚 講於 同仁 會館 晚愛 湖北 雲山 有終焉之志 置函 丈有 傳經 臺門 人施 宏猷 為構 講堂 所著有 九經 翼碩 果大成 等集 以明 經薦 卒於 道 門人 藏衣冠 於雲山 為建 祠

寧國府志

卷三十一

人物志 流寓 三

王寅 歙人 生平 慕張子 房 因字 仲房 能詩 善書 遊 宛陵 園亭 池館 多其 榜額 又自 署十 岳山人

湯顯祖 字義仍 臨川人 與沈懋學 梅鼎祚 交為 孝廉 時嘗 客 遊宛 上後 成進 士 合遂 昌遷 南儀 曹 往來 益數 玉茗 堂 篇什 可考

屠隆 字長卿 四明人 與沈懋學 同登 第 重以 婚姻 居宣 最久 嘗借 梅鼎祚 沈舟 城東 著緋 衣作 漁陽 三搗 意象 豪邁 後哭 懋學 墓作 長歌 弔吳 仕期 交情 忠憤 一時 特見

黃之璧 字白仲 越人 落拓 負奇 以書 法稱 與屠 隆構 譏 輦下 黃編 修 苴勸 令避 地 宣城 且以 書介 梅鼎 祚 具 實主 禮經 年 乃去

潘之恒 字景升 歙人 美鬚 髯 好飲 任俠 喜交 名人 寓宛 與湯 賓尹 善

陳文燭 字玉叔 沔人 罷淮 守家 居時 慕敬 亭 栢 視之 勝 扁舟 策杖 僑寓 二載 雅好 文詞 與梅 鼎祚 交 資以 金乃 得 歸後 遷蜀 憲使 尋治 漕

晉方伯 著有 二酉 堂集

艾南英 字千子臨川人以制舉業名江西稱章羅陳艾云先是湯賓尹負時望南英負笈就之方諸康戈之於桂

焉風

張慎言 字藐山陽城人累官尚書以抗直廉潔著聞浮家宣

壽堯陳球善後返陽城

萬時華 字茂先南昌人崇正時徵賢良方正不仕客宣城永慶寺與蔡春梅朗中顏紹庭善入麻姑訪沈壽民

先後留滯數月時故人陳泰來為邑令文酒外不貽一牘時論并高之

周鑣 字仲取金壇人官禮部郎好收獎後進以李郭自任嘗訪舊宛陵憇姑山松隱菴學者雲集又嘗遊仙源黃山

盤桓久之有黃山集

丁聖時 字澹夫巴陵人崇正戊辰進士嘗令溧陽明季客宣城樂水東青山之勝遂挈家居焉匿姓氏與農樵牧

豎遊處間為村塾師醉歌自娛莫知其為貴人也順治十五年老而病乃歸去

寧國府志

卷三十一

人物志

流寓

四

姜琛 字如農萊陽人崇正辛未進士歷官禮科給事中疏論

末來宣城泣曰阻兵戈遲君命臣罪當誅矣間遊寓吳門猶

署客舍曰敬亭山房癸丑卒命其子安節實節昇葬敬亭山麓以志死不違君命之義門人私謚曰貞

沈希韶 字青嶼蕪湖人歷任南御史未遇時來宛與錢宏模

之希韶于士柱與宛中諸子結社敬亭時相過從云

曾異撰 字弗人莆田人為閩中名士冠寓梅郎中天逸閣終日鍵戶飲酒賦詩一時推為盛事

李光倬 字仲章南昌人已卯鄉薦由國子助教遷北工部癸未奉勅治河紆道宣城訪沈壽民蔡春梅超中梅

磊定交山水吟咏匝月乃別復命還都值李賊陷京師不屈遂被害當時紀事者以光倬入都未補官遂逸其名所著有

文防詩 防等集

傅傭 字先夢黃岡人中己卯副車國變避難東浙祝髮上虞象田寺先是傭歷事南雍識蔡春梅後來宣州錢鳳文

湯繼禹梅磊及秦春謀一菴於北郊之午橋病卒遺言殮以
儒服備善時藝能詩為人真摯醇厚人樂與之遊死之日爭
殯之高
詠作傳

國朝范騏

字文碧海寧人博學落落寡所合野服黃冠自命為羲
皇上人與都御史梅錫為布衣交主其家三十餘年苦

足疾兀坐一室以撰述為事遂卒於宣其喪
葬皆銷諸子姪經紀之以上乾隆府志

程元愈

字偕柳休寧人從馬文開遊博涉羣籍能詩賦尤工
駢體孝廉梅唐重其才以女妻之因占籍宣城為邑

廩生嘗補文選注未及就而
卒子隆家仍歸新安成進士

吳銀

字玉友附監生休寧人占籍南陵而家於宣性豪邁通
率雄於貲不自封殖有公舉率為倡始歲歉屢出米穀

賑饑者人甚德之以子瑞封通議大夫延安府知
府孫國休乾隆丙辰科舉人一鳳戊午科副榜

江學溥

字公如徽州歙縣人順治初避流寇遷宣城遂家焉
為人慷慨好義輕財樂施子二長自超次自高性孝

友時稱難兄弟三世同居子孫遊宣庠
者纍纍以上三人據乾隆縣志增

寧國府志

卷三十一

人物志

流寓

五

南陵縣

宋鄧道先

南陽人乾道間官至尚書慕南陵山水卜宅而
居墓夫人章氏石龍山建菴以守見石龍菴記

劉有慶

蜀郡人初任本邑主簿遂家焉後官
至翰林院待詔號損齋子鑄元進士

文小二

一作貳字在浦涇邑震山人嘉定二年任本邑主簿
居官仁愛考績當遷父老泣留遂致政卜居分界山

明羅思忠

廣西象州人洪武十五年由進士授南邑令累
遷浙江僉事邑人深德之留居本邑因占籍焉

馬傑

湖廣麻城人元末任歙縣令因
兵亂洪武四年移居邑東門

甘潤

湖廣人洪武初知縣事三載遷蘇州郡丞父老泣留因
為春穀寓公卒葬東門隅祀名宦以上乾隆府志

涇縣

孫吳虞翻

字仲翔餘姚人少好學又善用矛走及奔馬事孫權
為騎都尉數犯言諫爭又性不協借多見謗毀坐徙

涇縣占蒙圖荆州稱疾還建業以翻舟醫請以自隨因得釋
後終以疎直為權所惡徙交州講學不倦門徒常數百人又

十餘年卒 據 乾隆縣志增

晉劉遺民 嘗居水西有 鈞臺遺蹟

杜牧 字牧之長林人中書舍人嘗遊涇 題詩處上 綵公樓歌詠徘徊久不忍去

南唐馮元輔 字長卿先世自建康寓於涇居張香里視羣從之 可教者皆資給就學長子嶸以特恩調婺州之浦

江 尉

宋蔣之奇 字穎叔宜興人嘗謫官宣州愛涇川景物客寓久之 名山川足跡殆遍所至題咏又好撫拾遺聞表章名

勝 云

徐亮 字懋忠龍游人大觀己丑進士授廸功郎轉大理評事 以風節聞宣和間與金人約夾攻遼力陳不可忤權相

意落職靖康之變避地宛陵徙涇水南 郭山下晚號郭峯老人今諸徐皆其裔

文道南 以號行廬江行人與姚鉉善凌侍郎策幼時嘗往學 焉晚司教涇邑策語人曰中原文獻方家在是也命

寧國府志

卷三十一

人物志

流寓

六

其子瑾琬從子瑗同受業居震山鄉人號道南先生其後裔 曰士南曰察曰中者皆以進士名家 以上二人據乾隆縣

志 增

明秦聞民 一作名無為州人洪武初任涇丞撫 輯新附有惠政民德之遵例入籍

童執中 懷遠人洪武初知成都府坐軍餉不繼謫幕於涇 卜居賞溪名其子曰涇川後舉人材仕武清知縣

許國 字維楨歙縣人舉嘉靖辛酉南畿鄉試第一卒業台泉 精舍有兩青鳥飛鳴其前僧言此碧鷄也為賦碧鷄篇

乙丑遷庶常歷官東閣大學士邑中從遊蕭都御史彥 趙少宰士登蕭學使雍趙副都善政皆為一時名卿

錢德洪 號緒山餘姚人刑部主事嘉靖間郡守劉起宗置水 西書院延德洪與王畿主教德洪衝雪臨之與者數

百人僧舍無所容見縹守益水西精舍 記又嘗講學寧邑獅巖山多所題詠

楊烜 字世旭本遼人三世名將烜少負氣有才畧鼎革後流 落宛池間一日遊碧山值查可明與語奇之為築菴峰

山房居焉時定鼎初從龍諸臣多起遼左烜親友及祖父編 禪居要津者所在踪跡烜皖撫余國柱知其狀介桐城姚司

述文然來聘又以臬司夏一鶚與烜舊命誘致入幕諷之仕
不許奉千金為壽不顧去自是絕跡不出碧山賦詩悲歌輒
焚其稿特或豪飲啖豕肩立傾數十斗嘗痛其父母暴骨郊
原引惟落其齒為父母身墓之每當除夕閉一室酌酒北向
拜撫几慟哭可明以烜無嗣為納婢生子懷本烜
以抑鬱死懷本亦流落早卒 以上俱乾隆府志

寧國縣

唐韓翊

有香益寺詩載縣志
藝文 據縣志增

宋栢齡

宣州僉判世居河南湯陰賜姓仙氏子立仕至右武大
夫立子仲友任宣歙廣德都巡檢使遂家寧國長安山

中丞克謹其裔
也 乾隆府志

沈括

有十松亭及遊山門詩載縣
志藝文 據康熙縣志增

元楊載

浦城人寧國路司理嘗養病
前山庵有詩并仙氏族譜記

張慎言

詳宣城與仙中
丞有舊結姻去

寧國府志

卷三十一

人物志

流寓

七

曹伯淳

字夢白歙縣人明諸生詩字兩妙尹民興姜日廣雅
器之會國變惟琴書自娛究心理學與宣城施閏章

輩講學西津書院今治前
扁額大字皆其遺蹟也

國朝高重望

公安人孝廉明季避亂來寧居三代子
正儀登順治戊戌進士康熙間復歸楚

孫應龍

號海門禹航人順治己丑進士文筆高古能詩
善書寺院中題咏多超拔 以上乾隆府志

黃如瑾

字崑瞻溧陽人順治戊戌進士祖籍寧邑洋
灣子夢麟康熙乙丑探花省祖墓匝月而歸

潘宗洛

字書源宜興人康熙甲子邑侯陳主策入簾薦拔第
一稱奇才後寓寧久時於西津垂釣自娛不貽令一

私贖時
論偉之

程甲化

號碧洲福建人順治辛丑進士為旌德令歷
任廷尉歸寓寧數載平易近人雅善接士

蕭相學

字遜夫章州龍溪人國學生前令蕭澍
子善詩家貧宴如也弟相度亦善詩

旌德縣

唐呂從慶

字世膺河南人避黃巢亂與弟從善隱欽之場田後從善留場從慶入旌德萬山中朱溫剪唐其祖伸仕唐故終身不出作詩有吾亦陶彭澤句卒年九十有七葬珠婆塢自題曰唐詩人豐溪漁叟之墓

宋胡瑗

字翼之海陵人嘗從新安至旌訪縣尉曾公望同遊石壁聞新建汪氏居相近即太白題詩處因成台風一篇并序書於壁

劉輝

信州人未第時備書自給嘗遊旌德新建東山浴溪中嘉佑中還鄉舉進士第一邑人名其處曰狀元石縣東有舊葛塢相傳輝嘗聚徒授業於此

朱熹

新安人嘗來旌聚徒講學於城南之二都數旬而去今山莊內敬義二字額為晦菴遺墨

國朝蔣超

字虎臣金壇人順治丁亥探花嘗遊黃嶽取道於旌與邑令茹鄂侯登梓山遇同參僧雲石話舊又過喬亭山家遊憩旬日寓樓庫編自題鴉結二字寄意

儲大文

字六雅宜興人康熙辛丑會元嘗至旌授經廟首英萃堂暇則同諸弟子逍遙涇水憑眺石柱飲酒賦詩

寧國府志

卷三十一

太平縣

宋朱熹

見旌德與邑人孫觀友善辯論往復手札甚多世珍藏之嘗遊水北獅山書秀陰二字鐫於石

明張懿

新安人原任陝西鞏昌府徽州知州弟奉任廣西梧州府通判同官建文時見朝政紛紜燕藩潛萌異志遂棄官借隱下宅堯塢雲嵐林麓之勝謂可以當武陵桃源斯夕登臨觴咏終身不出

劉冠

江右泰和人號晴川正德中鄉薦歷官工部員外嘉靖壬寅以疏請緩建雷殿廷杖下獄與邑人周怡同繫久乃釋官成來訪怡留數月去詩載縣志藝文

羅洪先

號念菴吉水人嘉靖八年試進士第一過邑訪周怡遊黃山祥符寺湯泉題詠甚富

焦竑

江寧人萬曆十七年殿試第一尋克東宮講官觸政府忌罷官不出嘗遊黃山主邑人譚天賜家最久手書紫

程註

湖廣孝感人明末官兵部尙書時方起奄孽阮大鍼乞休歸值楚中寇氛延蔓乃來太平依同宗興村程氏僑

寓二十年與邑人程言程世遠等善書樹滋
二字額其堂至今尚存以上乾隆府志

荀茂 撫州南城令過婆溪遇瓊仙并得烟子元潭元卦圖而
悟道遂居於此正德元年居人金玖誦讀其側忽地裂

泉流芳香不絕掘土得石刻文始知荀公卜居之由因結數
椽於麓曰荀公舊廬二年丁卯知縣龔彪過玖宅記其事

國朝張玉書

號素存丹徒人順治辛丑進士官大學士來太平遊
黃山訪同年友杜瑜周光啟之後因得黃太松所畫

黃山圖以去以上
二人據乾隆縣志增

寧國府志卷三十一

人物志

釋道

宣城縣

梁杯渡

不知其名以嘗浮杯而渡故名居行廊山建寺曰興雲
即今法雲大新笑隱記云晉宋間有異行僧居此又南
陵隱靜寺亦渡建梅聖俞詩昔聞有釋子涉江
用杯浮棧心由茲地理骨在林陬是又有冢云

按杯渡又見南陵今括叙首邑南陵所載從刪以歸簡淨

下守訥榮枯崖陵陽子明汪天驥宗杲賢聞並倣此

隋智叟

本范氏扶風人稽亭山妙顯寺僧禪行著聞初祝髮京
師濟福場陳宣帝徵入會開皇十年由宣州召對居仁
壽院帝及妃王並執弟子禮乞還勅賜錢五千貫絹二千疋
落脂米二百斛一切經大藏玉石象十五軀鳴尾爐四十九

寧國府志

卷三十一

人物志 釋道

隻遣大將軍楊榮護行監立伽藍度其徒七人齋田二頃仍
歲齋香藥存罔及計奏輟朝三日以國師儀葬寺側世傳扶

風禪師。按陳無元帝萬曆
志誤又象像通用驅誤作驅

法侃

榮陽人初住江都晉王廣開其名召入遣住大興善寺
仁壽二年文帝勅護舍利宣州先是宣有永安寺址廢
為倉倉是歲有赤光現侃至度其地建塔掘之得石函因以舍
利函焉有甘露降紫芝草生奏聞。按永安寺晉建即今景

德寺詳
寺觀

唐仲濟

靈源寺僧有文名李
白贈詩見藝文志

元孚

開元寺僧許渾贈詩一鉢事南宗僧儀稱病容曹溪花
裏別蕭寺竹間逢幢影深寒殿經聲徹曙鐘欲齋簾睡

鶴初定壁吟蛩詩繼休遺韻書傳承逸蹤藝多人譽治機絕
道情濃汲澗瓶沉藻眠堦錫挂松雲鳴新放鶴池卧舊降龍
露茗山廚焙霜杭野碓春梵文明處譯禪兩暖時縫層塔題
應遍飛軒步不慵繡梁交薛荔畫井倒芙蓉翠戶垂旗網朱
窳列劔鋒寒風金磬遠晴雪玉樓重妙理三乘達清材萬象
供山高橫睥睨灘淺聚鰲鱣微霧蒼平楚殘暉淡遠峯林疎

霜撼撼波靜月溶溶劍出因雷煥琴全遇蔡邕西方知有社
支許合相從一渾又贈貞上人詩會與徑山為小師十年僧
行衆人知夜深月色當禪處齋罷鐘聲到講時經雨綠苔侵
古畫過秋紅葉落新詩勸君莫厭江城路雖在風塵別有期
○又送閒師詩近日高僧更有誰宛陵山下遇閒師東材共
計三乘學南國爭傳五字詩初到庾樓紅葉墜夜投蕭寺暮
雲垂秋江莫惜題佳句正好磷磷見底時

清越 敬亭僧工文交當世士所著新興寺石塔記詞致隋詭
卒難句讀張喬贈詩海上獨隨綠歸來二十年久聞時
得句漸老不離禪砌本欲臨水窻峯直倚天猶期白雲裏別
掃石頭眠又題山房云重來訪惠休已是十年遊向水千松
老空山一磬秋石窻清吹入河漢
夜光流久別多新詠長吟洗俗愁

通公 本朱氏吳人初結廬敬亭山北移新興寺中院苦修敏
悟叢林所推嚴毅署宣州幕師事之卒溧陽唐興寺授
為碑 銘

南宗禪師巨偉北宗禪師昭 大憲初論大慧綱明
實際於北山道場

寧國府志

卷三十一

人物志 釋道

大毓 金陵人初住常州芙蓉山崔峯
鎮宣州迎居禪定寺後終齊雲

靈徹 會稽人有詩名元和十
一年寓宣城開元寺卒

普願 新鄭人初住池州南泉山宣州觀察使陸巨延至師事
之學徒從者甚衆諸方目為郢匠云其法嗣曰元極

斷際禪師希運 初住高安黃蘗山曹溪六祖嫡孫大中二年
裴休知宣州迎居開元寺旦夕受法為創廣

教寺於敬亭南麓贈詩云自從大士傳心印額有圓珠七尺
身挂錫十年棲蜀水浮杯今日渡彰濱一千龍象隨高步萬
里香花結勝因擬欲事師為弟子不知將法付何人師答云
心如大海無邊際口吐紅蓮養病身雖有一雙無事手不曾
祇益等閒人著宛陵語

錄一卷後終黃蘗山

少雲 福田寺僧苦行修持經寒暑不懈者三十餘年募造經
藏於寺刺史崔龜從有碑記。按萬歷志無載始見於

康熙志宣城乾明寺註云舊名福田唐咸通刺史杜宣
猷請額崔龜從撰碑又載入旌德仙釋誤今改入宣城

嘗通 邢州平恩人初住京兆薦福博通經律咸通末遊宣州
刺史崔寓悅之為創瑞聖院於謝仙山衲徒從者甚衆

後終明州雪竇。舊志按會昌中刺史有崔興無崔
高山亦無考。今按開元中有崔興會昌中有崔卿

正元 本蔡氏邑人為僧福州龜山嘗述偈曰滄溟幾度變桑
田惟有虛空獨湛然已到岸人休戀後未曾渡者要須

船咸通
十年終

自新 臨淄僧嘗採藥宣城入山洞中始聞已而見日行數里
許洞有旁穴溪水出焉松下有草庵老僧瞑而坐自新

擊其磬乃醒而
起留與語而出

宋

可勳 建州朱氏子有禪行作菴城山寺側曰卧雲太干與因
已卯召對問曰卧雲深處不朝天因何至此勳曰天曉

不干鐘鼓事月明豈
為夜行人因賜還山

茲照禪師聰 景德中開堂廣教寺嘗作偈頌傳於時嘗有拈
古云天龍舉指接俱抵便從當下息分機直至

於今用不盡巨耐當初這
師姨見張商英文鑒集跋

文鑒 繼真禪師字希道錢塘人聰上人高弟工詩梅聖俞引
與酬唱贈以詩讀書夜坐冷無火掩卷遂成搖膝吟始

寧國府志

卷三十一

人物志 釋道

三

憶高僧將偈去安知古寺托雲深寒堂正睡遠鐘發野鳥亂
鳴寒月沉明日呼兒整籃輿欲煩重過小溪陰門人景模集

其遺詩李常序曰澄淨雅瞻言肆旨遠非如剞句抉字草花
雲月之間張商英及滕元發復為之跋 採舊志並縣志纂

天衣義懷 永嘉人初住蘇州翠峯因汲水折踏而悟治平中
丁約知宣州懷住與教坦上人姓牛氏共首座也

後懷欲他往將舉坦自代請神示夢於約是夜約夢入與教
見牛衣綾上坐及明懷見約以夢告懷笑曰牛弟子坦姓又

其生命適與夢符約乃以坦代懷坦
弟于紹理亦有禪悟宗杲嘗從之遊

守訥 自號莫翁本鄭氏吳人初業進士遊錢塘淨慈寺誦
圓覺經有悟遂祝髮師圓照通兼以法器許之由太

平吉祥院徒涇之金峯宣和中錢昂守郡聘持廣教七徒雲
集未幾卒前二日作偈二十言若了於生死者云著宗鏡節

要二十卷擬寒山詩百篇李彌遜為碑銘。按康熙志入涇
縣而訥由太徒涇終於郡之廣教涇亦非常住也仍入宣城

宗杲 姓奚氏寧國人少入山東惠雲寺為苾芻尋為景德寺
僧往從太平州瑞竹堂紹理繼謁湛堂準準亡乞銘於

張商英一見奇之字以妙喜宣和六年參圓師於汴聞薰風
自南來殿閣生微涼二語豁然悟呂左丞好問奏賜號曰佛

自南來殿閣生微涼二語豁然悟呂左丞好問奏賜號曰佛

日張魏公請主徑山法席學流至七百餘眾稱臨濟中興張
橫浦九成與之問辨出入儒釋排闥不窮大悅服之後坐與
九成謗毀朝政竄梅州一夕太守及市民皆夢定光佛入城
明日果至後還住明州阿育王山被旨復住徑山孝宗聞其
名召對稱旨賜號大慧禪師御書妙喜菴額賜之隆興初示
寂謐普覺塔曰寶光著正法眼藏三卷語錄三十卷。萬曆
志稱臬寧國人康熙志遂入寧國縣而宣寧兩縣志並載今
按續文獻通考稱宣城奚氏子又宣城事函畧云師十七歲
具足戒於郡之景德寺遊方至寶峯塔受宣州化主紹興
二十六年自梅陽窻所歸宣城館於敬亭山故仍入宣城
宗毅 建安中僧能詩嘗受學王相如相如死節為輯其遺文
傳之見溪堂集序。按王相如見宣城忠節傳溪堂集
周紫芝序見宣城書目
康熙志將宗毅入徑誤

元僧堅

住廣教寺能詩王璋次韻答之矮窻宜曉取朝陽高檻
憑虛接莽蒼咒水鉢中蓮是幻坐禪床畔竹偏長不須
沽酒供彭澤耐可吟詩伴石霜想
見六時天樂下散花吹滿衲衣裳

榮枯崖

涇邑田中里梅氏子住持寧國路廣教寺赴帝召賜
金襴袈裟臨終別舊友坐化。按此見涇志崖雖涇

寧國府志

卷三十一

人物志 釋道

人實住宣之廣教應入宣
城何帝召賜涇志失詳

明金碧峯

不知何許僧有道行善服餌習天文家言棲敬亭山
西北石巖太祖幸其地趺坐不起露刃臨之曰汝知
有殺人將軍手輒應曰汝知有不懼死和尚乎上異而謝之
問以向導果決勝如其言後召至金陵建碧峯寺以居之

海公

字古拙別號龍洲延壽寺僧精戒律承樂初召對稱
旨賜官製百衲衣歸按塔銘師各性海慕在楚王城

守愚

金陵報恩寺僧通三藏嘉靖癸亥太守羅汝芳迎至開
堂景德同時有天界寺僧果嘗謁羅公於宣贈詩年來

志滿太

法通

字從石既受法於愚公復叅攝山止焉萬曆癸巳至宣
開堂廣教庚子僧性果延主西樂庵講楞嚴經性果跣
足丐化歷十餘年齋僧萬眾法通習老莊嘗注逍遙遊尤善
詩刻有譚品餘戲梅守箕為序其詩如斷霞迷遠郭殘月冷

空山樹影千年月江聲
九派潮皆新警可誦

法鑑

字信居浮山人其師徑山達觀神宗朝為慈聖所禮坐誣繫獄死者也工詩畫嘗遊宣後終於浮山兩僧皆與

吳孝廉伯敬善贈以詩白象傳心日元稹聽法初暫回窮子鉢來問野人居松雨爭花落楓林帶月鍊倚門添客淚日暮

思何如乍擬吳門在翻疑楚地行浮杯江月冷紫棹浪花平野榻情堪共高堂夢轉明何年旋杖鉢重與話無生

大慧

寧信寺僧初尚通脫後忽悟掩關不出凡七年使寺眾以針刺體液出皆乳未幾辭往峨眉至黃池勝果寺調

其徒曰子從此逝矣因跌坐說偈而化火發於日燿其驅獨腦不毀賈人為建塔以瘞按塔銘當作大惠墓在黃池

如圭

號覺一本水陽陳氏初為景德寺僧歷泰名山通大小乘戒法萬曆戊午澄考遠禪師奉勅傳戒五臺引圭協

焉戒徒從者甚眾後歸景德場司成請主天寧崇正丙寅止靜黃葉菴菴冬夜聞石屋語錄且迷示寂著律學須知苦海

浮囊在家尸羅等書俞綬為之傳

賢聞

字思修施德人初寓居開元寺建菴雙羊山精戒律遍遊天台落伽峩眉諸山吳伯敬贈以序已寓京師天啟

寧國府志

卷三十一

人物志

釋道

五

壬戌徵入法會勅賜紫袈裟還山卒於路歸葬雙羊山

元亮

號清音河南人鑑弟子初住浮山崇正壬午至宣講楞嚴於廣教已徙城南之自度門跌坐而化

國朝空菴

閩人五臺僧行脚於宣止城南草菴中貌瘠體儻獨額有肉隱起如珠嘗乞食於路口誦楞嚴不繫人未之奇

也順治乙酉宣羅兵焚僧獨行賊下乘城者射之矢傳體而折邏卒以刀擊之刀亦折於是異而禮之數年後終孝廉湯

巖禹建塔座之

徐鴻起

號岐陽馬思與子舉人歷官刑部郎決閩疑獄翰林黃景昉作鏡鏡錄傳其事著有西曹議奏知密州府

多惠政尋致仕歸崇正末落髮於城東清隱菴有詩云偷生八十老閒翁靜坐蒲團古剎中窗外蕭蕭知夜雨數聲清磬

佛燈紅又示菴啟云講筵罷罷首重稽老似秋蕉不可學木路祇應濟死迷前因都向劫灰迷華顛禿盡欣無憂撫下相

逢悔自妻計向佛天際再世逢人依把舊名題年八十有四卒

大瓠

字用無號號在本沈氏壽堯猶子名麟生崇正間貢生壽堯死節顯生為僧結龍聽菴於姚江黃竹浦有潛向

江東依宋瘦萬年枝上挂袈裟之句鷓鴣山人黃晦本最與相契所著有發茶經嘗撫江右鄒職方之遺孤於菴中時以爲王成魏澤之流其後住郭之南明八九老社中又住慈之寶峯卒返龍聽

粵西僧濟 號石濤住廣教寺能詩尤工書雲烟變滅天矯離

日峯來無理始能奇吳肅公梅清梅庚與之遊每稱之兄亮字喝濤一號鹿翁駐錫姑山能詩善畫與濟齊名

漢陵陽子明 銜鄉人釣於旋溪得白龍懼解鈎拜而放之後得

脂沸水而服之三年龍來迎去止陵陽山上百餘年山去地千餘丈大呼下人上山半告言然中子安當來問子明釣車在否後二十餘年子安死人取葬石山下有黃鶴來棲其家邊樹上嗚呼子安云見劉向列仙傳。按子明見列仙傳自是漢人無疑省志及府縣各志俱標晉代誤惟明一統志註明漢丹陽人今從之又按池州府志宋王鉉傳畧云子明名伯玉生沛國銜鄉閭陵陽乃丹邱成仙之地故求爲之宰好棲巖竇故人稱寶令尹中元騎龍上昇故至今以是日祠之妻費氏二女皆仙去弟子安名伯樂居四明山後尸解葬陵陽山下唐人詩白龍已謝陵陽去黃鶴還來喚子安紀其事

寧國府志

卷三十一

人物志

釋道

六

也省志石埭縣註亦然而宣涇旌太四縣志皆據入仙釋攷陵陽漢縣以山得名唐改置石埭子明得仙於彼山去地千餘丈似非今郡城內之陵陽三峯或名同而牽附與唯太平西六十里曰陵陽山三峯矗立西屬石埭者二內屬者一距黃山不踰兩舍太白有見會公談陵陽山水詩可證又涇西南百三十里亦曰陵陽山西接仙壇爲石埭界山隨省石埭入涇隨志曰涇有陵陽山是也二縣採載差爲近之若旌德志稱子明直剡聽亂不肯阿附晉元帝嘉其義拜陵陽宰後棄官入西山遇隱者獻藥遂與居鳧山太康八年上昇邑人祠爲鳧山之神此據長孫邁神仙傳與列仙傳異世代差訛未知是否抑攷九或志稱陵陽山在宣州蓋當時丹陽郡幅員所屆旌太二縣初未析置仙者遺蹟所在多有由後湖前或不嫌於兼採也

唐吳筠 華陰人嵩山道士有詩名天寶十三年寓宣城卒

元賀士迪 邑人元鈔觀道士善祈禱禦災成宗召入京賜號真人并寶劍玉鼎玉環玉圭各一楮幣萬緡給車服鞍

馬從幸兩都乘傳還山卒其徒稽天仁麻姑西鄉人從真人侍闕下已署張宗師書記大德初駕祠萬壽宮天仁黃禮帝

問開府公彼非稽法師耶自是每呼姓而不名歷仕元妙觀
提點領本路諸宮觀事賜金襴紫衣盧朝之諸名卿雅重之
有別墅在元妙觀西頗稱幽曠延泊間卒葬城西西五里貢奎
銘其墓云羽林超楚○按士迪萬歷志載宣城縣涇志誌為
涇人亦載入又萬歷志成
宗訛作太宗今從康熙志

汪天驥字樂全涇人為郡元妙觀道士能詩偶成云青山招
客隱紅葉送秋歸冲妙觀云春深自種雲間玉雨後

來看洞裏花暮春云為愛雲根綠錦苔柴門花蕊畫慵開竹
牕讀罷南華卷蝶夢遽遽枕上來胡晉有和汪樂全詩矯矯

餐霞子疑神志不紛丹青研曉露仙服翦春雲山
水鳴琴悟松風黃若聞時能吐佳句斲雪舞繽紛

姚友文字子純邑人麻姑冲妙觀道士能詩雅受知貢學士
奎嘗建天遊亭觀左奎為記施琪有和姚子純詩野

岸相逢處臨風共聽泉長江無盡日喬木不知年秘術窺丹
籙間情寄素絃烟霞發天迹酬唱每流連何儒行有送姚道

士往金陵訪玉林鍊師詩麻姑翠峯巖青松蔭泉石道人懷
遠遊清嘯聞終夕身被紫霞衣山川訪仙跡金陵古形勝樓

觀炫丹碧皎皎玉林子鵲詠日聞適得茲脩
然侶清風生几席華月滿中天虛空夜生白

寧國府志

卷三十一

人物志

釋道

七

明張繼

相傳嘗寓元妙觀凝虛院人莫識乃留
姓名於壁間而去院中至今不生蚊蚋

南陵縣

宋懷義

開化寺僧不羅髮或問故應曰當薙心耳熙寧七年四
月八日詣崇教寺大會淨浴嚴服日午於觀音院垂足

危坐右手持印左手按膝而逝清烟上騰雲氣芬馥邑人余
曉收其舍利為龕塑形七日塔上祥光現中有相輪影劉拯

撰輪
藏記

牧得清

承天觀道士精導引術有谷客者過訪弟子謝不為
通客索茶蘇應題几云蓬島三山在寸心先生何事

混凡塵不因門外家人講還是無緣遇洞賓覆盂去堅不可
舉弟子以告牧追至門橋見一醉人枕二瓶卧後五年復至

假寓其奕三日牧始勝一局客曰寓機於目識陰陽之盈縮
可以不覆牧驚曰先生呂公耶曰枕瓶丐耳相顧抵掌牧乃

長吟日完得一局棋除此一襲衣何去何來兮白雲共依稀
攜客出視坐中衣若蛇然後人於橋建閣祀之名曰降仙橋

國朝沈鼎彥

字禹鎮承天觀道士工詩善書法尤精修煉著有黃
庭內景經直解萬五千言壽八十五歲無疾而終

涇縣

唐乾應 姓任結茅絕粒隱於樸山山多豺虎居之自若眾人視之得免號

伏虎禪師

惠照 姓董石門人堅持戒行住合肥佛刹一旦坐逝真身尚在定業間推民為之祠祈禱輒應

宋瑤光 曾三闕藏經知儒書淳熙間太守鄭龍圖委住大安寺辭弗獲作偈投几上而遊

日禪師 妙峯菴僧菴有四景碧蓮池真珠泉子瞻石藏春洞賦詩一首妙峯四景予獨愛子瞻石藏春洞亦各賦一章取其名實相當詞不虛逞云石詩云雪堂善作有聲畫家世風

流頰寂寥安得後山蟠石上霜枝玉幹半枯彫洞詩云巉巖洞石幾怪古洞裏藏春閉不開唯有真人常得道每隨花鳥

使蓬萊。按萬恩志將日禪師進書宗毅下註云詳方輿志順治宣城志涇志及康熙志皆訛日作日與宗毅混為一人

今攷方輿志於石鏡洪頭山下註載甚明故全錄以正其訛

寧國府志

卷三十一

人物志 釋道 八

元挺 安國寺僧初奈牛頭習威有僧問威真性緣起其義云何威未應挺曰大德正興一念問時是真性緣起又問

南宗自何而立答曰心宗無南北

物外 遊方僧也元和間來承流山翦茅結構於仙壇之基工詩如烟中疎密樹雲外有無山倚松看子落隔竹聽泉

流心同流水淨身其白雲閒爐香燒柏子靜坐了殘經誰是知音者山房夜半燈半佳句也一日無疾跣跌而化

明宗泐 台州人博學工古文詞與僧來復齊稱初居天界寺大祖召以官不拜繼之還山口寂寞觀明月逍遙對白雲

汝往哉歷遊宣州悅涇川水西之勝止焉著有水西詩嘗客外為人題山水圖云辭家始兼旬見山心最喜披圖忽悄然

舊遊宛相似微茫敬亭雲迢遞賞溪水猿啼樹蒼蒼鷗泛波靡靡歸阿叢桂生茅屋無人理何為滯江城睽眦黃塵起論

者以明初名前泐寶為冠云

荆山祖師 邑人姓鳳入歲入大寧寺出家後住合相寺隱關一期始得入手訪歸元禪師歸重加勇猛得念而

無念奈而無奈處作偈云念與全非念金針穿爛電回頭極目觀親觀如來面成化丙午詣石埭金竹山叅寶月和尚詳

以真寶遂將手

卷祖衣付之

智果 幘山禪僧戒律精嚴每祈雨必應
年八十一童顏兒齒跌坐而逝

霜輪 雲間術氏子初遊涇信宿水西後遊南嶽崇正己卯還
水西主方丈順治乙酉忽集眾曰涇難將及吾當行矣

命侍者進浴畢曰普同塔左可瘞吾骨
後其徒道瘞亦主水西法場大暢宗風

海演 號洞然茂林潘氏子幼好佛經年十九請神僧傳有感
祝髮從師博道嶺邑中張一卿張一盤精心禪理築威

音精舍于南郊迎演同了心共相參究諸名
宿相繼皈依宗風大暢崇正壬午留傷坐化

國朝 大嵩 號好山西蜀人工詩文善法遊張獻忠亂託空門法
名祖庭杖錫遊京師名公鉅卿皈依甚眾甲申闖賊北

犯江左縉紳南奔大嵩盡出供養以濟窮途尋南渡會曹洞
覺良法師主教金陵授以衣鉢涇人延主水西道場辛丑春

夏旱邑令斐維岑請祈雨臨壇默禱雨立沛癸丑二月留偈
徒眾遂屏息涅槃仍跌坐三旦夕作蓮花香遠近聞風瞻禮

行古 號楚水桐城人邑令孔延祚請主水西寶勝寺法
席演說甚盛著黃檗楚水禪師語錄四卷詩二卷

寧國府志

卷三十一

人物志 釋道

九

元理 號覺文俗姓崔太平人嘗住持水西精禪律工詩文有
語錄二卷湘臆詩賦稿四卷福仁號湘月俗姓倪亦住

持水西工詩有語錄一卷詩
一卷 以上五人據縣志增

漢琴高 居涇縣北二十里山巖修煉道成控鯉上昇因名其山
上曰琴高臺溪曰琴溪溪上有煉丹洞隱雨巖溪中每

歲上巳前後數日出小魚相傳為高藥渣所化他時他水並
無之。按萬應志注引列仙傳云琴高者趙人也以鼓琴為

宋康王舍人行涓彭之術浮游冀州涿郡之間二百餘年後
辭入涿水中取龍子與諸弟子期日皆潔齋待於水傍設祠

果乘赤鯉來出坐祠中觀者萬人留一月餘復入水去無居
涇事涇志又云或即蘇耽好鼓琴故以琴高名疑亦傳會據

此似兩無所主又於方輿志琴高釣臺上大書晉處士似仍
主蘇耽復互異省志古蹟有琴高臺則云琴高在涿水此蘇

耽也方外傳本郡無載而載於徐州畧云周琴高居香城泗
水中浮游梁碭間後入碭水娶龍子亦互異廣輿記又云琴

高涇人客遊碭郡謂說謊如不惟人地
不同世代亦殊周莫言姑並存以傳疑

明尹蓬頭 不知何許人正德間寓宣陽觀多異蹟從道上索守
犬作食道士屬徒烹之徒竊食兩耳尹食訖讓曰犬

非全者道士愕然因吐出宛然生
犬獨兩耳缺或餘辭去莫知所之

終南神女

初莫有知者嘉靖癸丑太平周恭節罷諫垣遊終
南山見之曰君與我鄉里也吾淫人水西大塔吾

所造叙禮畢贈以路費又示以催生方後如方修合濟人甚
多事載恭節年譜中。按恭節理學名臣所述神女語言事
蹟自是確而不誣然未詳其姓氏世代也涇志則稱恭節訪
道尚高見宗婆婆身坐龕中顏色如玉談涇往事甚悉大都
宋末元初其生已四百年餘較年譜所云反無實際竊謂恭
節非訪道之人高高與終南割然兩山神女之生莫知何代
不必定其為宋
未元初人也

王元素

字無我東隅人少穎異年十二補諸生及娶婦不入
房並不應試言人未來事有驗人呼為神仙父以其

未生子促之歸素曰要歸便去即自扇
其戶未及寢室中見有光素已逝矣

寧國縣

唐益公

延慶寺僧咸通中入講幄承恩禮賜揚慶題益公院詩默
坐能除萬種情臘高兼有賜衣裳講經舊說傾朝聽登

寧國府志

卷三十一

人物志 釋道

十

院曾聞降輦迎幽徑北連千嶂碧虛窻東望一川平長年門
外無塵客時見元戎駐旆旌。按宣城志亦載入以今興國
寺舊名延慶也從
康熙府志入寧國

宋道崇

或作惠崇姓祁氏寧國杜遷人自號常菴有道行住廣
教禪院再徙薦福演說甚盛有秉官從之者後住洪公

山翠巖久之隨州守請主法席崇答以詩洪山不赴三生
願洪井聊為晨暮遊珍重賢侯休召請野雲踪跡苦為收

夢真

字友愚號覺菴姓汪氏邑之盧仁鄉人受業於宣梵寺
打包江湖與盧山三憑君為師友屢住名山禪響四馳

示寂茶毘舍利湧出
有癩鳴集語錄傳世

明徹

號月舟住延慶寺有戒
行治平中承恩賜額

元謙上人

居延慶寺能文年百
歲紳士多有題贈

國朝雲屋

名音住白雲山補修奉聖禪院
後居晦峯菴著有雲屋和尚集

了然

住千頃山振修黃蘗道場龍馴鹿狎虎冬夏一衲
康熙戊午卒年一百二十六歲至今肉身不化

衡範 號衡山銅陵關錢氏子幼時出語警異值亂離舍身宣
焚茶燒敗葉兀坐聽流泉佛火沉秋水山光映古岑宿一峯
菴云松聲侵夜枕竹韻露天機月移江外冷雲亂樹中聲又
寄人云夢去溪山七十里醒來風月一聯詩日對溪山為故
友心遊吳楚未逢僧康熙辛巳年示寂於語山之清涼菴
無我 二都胡氏子年三十為仇家所陷遁杭州靈隱寺為僧
初不識字不數年博通內典善鍾王書法康熙庚午還
住梅林雨花菴日誦般若經丁丑正月向日者諷吉答以三
月上巳乃笑曰然則爾日老衲回首矣及期潔衣冠招平日
相善者話別
端坐而逝

旌德縣

宋法昭

邑東王氏子出家勝因寺雲遊四方參圓悟於東京天
寧寺以體肥稱大肚和尚又嘗往劍南之廣孝福建之
元沙自贊云旌德縣成僧福建路住院量大雖包容畢竟無
針線老來顛怪多有眼未嘗見總方撲帝鐘驚地馳佛殿撞
倒大虛空願作七八片門前大案山一脚使趨轉又云此
宣州子佛法不如此徒參圓悟老古緝幾曾夢見他宗旨略

寧國府志

卷三十一

人物志 釋道

十一

驢逐隊十餘年回首生平都不是被人捉出強
承當有理至今無說處著有語錄偈頌若干卷

明寂華

字清如高淳人早歲篤諸生喪偶遂出家行脚至邑東
蘆坑 椽掩關衣糧不繼山猿獻蘆服作供先是舒姓
有館室每聞鐘磬梵音會寂華至即捨為蘭若崇正中邑令
程萬里題曰佛南山後住新橋圓通菴受恒證老人心印開
堂說戒學博毛元策有碑記嘗與多寶寺化巨木為梁其人
弗與忽暴風摧折昇至溪口弗能舉雨集山漲漂至寺前眾
共異之

慧齋

號啞谷住洪溪天台菴習靜清修善畫山水嘗塑泥以
紙脫胎成羅漢像法相圓滿光明如生時又有休休和
尚者住四峯菴清靜自
持戒行清卓亦善畫

國朝超法

號雲石績溪人密雲悟下古慨得嫡傳總角即有脫羶
之想從天王寺受戒遍參諸方居梓山資福寺懸立法
幢殿廸四眾後入京住仁壽宏善諸寺與金壇蔣探花超同
參還仍住資福邑令茹鄴侯為造毘盧閣宗伯龔鼎孳序刻
其語
錄

行勝 字元機宜興頤氏子離胎即不茹葷出家參學龍池為

住天津山祥雲菴食或不給餐蒿艾藤薇常遇虎趁成直前

虎為御避又聞虎入欄與牛鬪然禱凌晨虎斃欄外四名伏

志所刻語錄宗伯吳襄侍御趙青蔡並為之序

成楞 號翠峯邑人出家南冲崇聖菴嗣法平陽台初老宿靜

明芮尙清 原名寬安洪溪人少穎悟有氣節遇異人授以符籙

兩有驗 贈以詞

唐呂氏妙女 嘗結茅舍於柵山傍學道修真後仙去人號其處

峯絕頂觀萬山周匝翠屏環仙姑 已作飛龍去留得佳名在世間

太平縣

寧國府志

卷三十一

人物志 釋道 三

唐麻衣禪師 中和二年煉藥翠微峯下身衣麻衣得其麻纒者

得不毀詩曰勅下如雷到翠微佛前垂淚脫 麻衣深山有寺不容住四海無家何處歸

智滿 天寶間卓錫湯泉山師跌 坐石上虎至伏不敢動

明法通 居仙王山七歲出家守戒律嘗募建仙王殿又預砌石

逝年八十有四其徒以年月弗利斂以棺 後一年開視形貌如生乃盤踞瘞於塔中

文齋 初披剃於箬嶺人里罔庵年六十餘提瓶笠寄居望仙

語譚云予明年八月十六日回首矣初未之信次年六月朔

從譚乞錢辦鉢二口辭歸著嶺菴及期前一日譚遺其子庠

生學份往探之乃邀同視卜葬所是晚養茗設果設笑自若

元張松谷 望仙鄉人幼聰敏博學嘗游館池陽至元辛巳忽悟

禮佛持蒲團出山門外台掌脚跌向西端坐而化

道成凡人病撥草藥授之無不愈歲旱禱雨默坐潭上而風雨驟至大德庚子忽索紙筆書偈云只有人難做容人畫得麼這漢實風流世人識不破咄鐵牛鞭向四禪天金身已寄蓮花座書畢坐逝。按萬曆志載入道流而於黃山疊嶂峯下註云松谷禪師結菴白龍潭外一里許有石誌云橫也三十六陞也三十六再過三十六却來問松谷稱曰禪師疑又是釋子也

明王道人

不知何許人居曹山絕頂山高十餘里榛莽塞迤適三年將去平日來往數十家家有一道人告別有曹某者遊最稔道人以一破衲為贈後某疾被之即愈其孫婦苦難產婢竊取覆之隨免身無恙而衲亦自是不靈矣

國朝黃自然

號清虛東岳觀羽士修真鍊性鍵戶辟穀二十餘年遂絕康熙十年大早被髮跣足登壇拜禱三日霖雨霑足邑令傅大業紀其事以贊之其徒童學謙字子敬受其術

王繹

有仙術寒臥冰暑著絮常於橋邊乘月光而行有時與友戲立數層紙上友從足下將紙層層抽出紙並不損

寧國府志

卷三十一

人物志

釋道

十三

人謂之紙上仙
據舊縣志增